

## Lahu-Shi - Agape Liq Phu - God's Love Letter Scriptures

Yod hanr liq 15:9 Awr pa ngag haq haq che heh, ngag liz nig hehd haq haq che yaog. Ngag ved haq pehnd che awg khuhn chehd-oq.

Isy. - Id sar yaq 43:1,2 - Ef. - Ed fed suq liq 2:10 Awg lawn ghod ver, a nig haq yawd tea lar che yaog. A nig daq che kanx teq pa haq te tug, Yer suq Khreq awg khuhn yawd a nig haq phanr lar che yaog. Daq che kanx u ve teq pa haq a nig te kae tug awg pun awg kawd maq thad loar Ghig sa ghu lar peor.

Yrm. - Yer rar miq 1:5 - Gal. - Gar lar tiq liq 1:15 Kheh ma khuhd, ngag maq pawag ser liz ngag haq lez yug lehq, yawd ved awg bon haq te lehq ngag haq kug yug lar che Ghig sa awr lehr,

Yod hanr liq 15:16 Nig hehd ngag haq lez yug lar che ma hez. Ngag nig hehd haq lez yug lar che yaog. Nig hehd kae lehq awg sir nuhaq lehq, awg sir u ve yeg chehd tug awg pun, ngag nig hehd haq lez teh lar che yaog. Nig hehd u kheh te ver, ngag ved awg meh awg khuhn Awr pa geh nig hehd kha lawg che awg gha lia yawd nig hehd haq pehar tug yaog.

3 Yod hanr liq 1:2 Haq che awg chawd-og, co ha phawd awr ve awg ceng nawg kha peh cawg che heh, awg ceng gha lia khuhn nawg kha peh vad-ag cawg tug he lehq chehd sa cawg sa tug ngag bon lawg chehd che yaog.

Isy. - Id sar yaq 43:4 - 1 Pt. - 1 Per truq liq 2:9,10 Nig hehd awr lehr, Ghig sa lez yug lar che chaw ceng phehq lehq Jawd mawd Ghig sa ve paw khod phehq che yaog. Daq keng che muhd mig yad liz nig hehd phehq lehq Ghig sa ve awg yad awg dug liz phehq che yaog. Yawd ved daq jad che awg lawn su haq koz mar vid tug, awg ceng che teq pa nig hehd phehaq che yaog. Yawd ved daq jad che awg ghiz awg khuhn gehag tug, naz hoq che awg khuhn yawd nig hehd haq kug tuhaz vehor. 10 Awg kawd thad, nig hehd awr lehr Ghig sa ve chaw ceng ma hez. Kheh ma khuhd a meha awr lehr, nig hehd Ghig sa ve chaw ceng phehq vehor. Awg kawd thad nig hehd awr lehr, har kax che awg bon haq maq gha. Kheh ma khuhd a meha har kax che awg bon haq nig hehd gha vehor.

Yrm. - Yer rar miq 31:3 - Ef. - Ed fed suq liq 1:4 Mig gig maq te phanr ser thad loar, Ghig sa awr lehr, Khreq awg khuhn lo a nig haq lez yug lar peor. A nig awr lehr, yawd mehz khuhd suhr daq kehg che chaw he lehq yaq kig mad cawg che chaw gha phehq tug, yawd a nig haq lez yug lar che yaog.

2 Tiq mod ser liq 1:9 Ghig sa awr lehr, a mig thad lo mig gig haq maq te phanr ser thad loar, yawd duhd lar che heh phehaq vid tug, yawd ved awg bon haq te lehq a nig haq thaer khuhq ax lehq, daq kehg che haq te tug awg pun a nig haq kug yug lar che yaog. A nig kanx te che haq te lehq yawd pehar che ma hez. Yawd ved awg bon u ve awr lehr, Yer suq Khreq haq te lehq a nig haq pehar lar lehq,

Yod hanr liq 3:16 Awg lawn ghod ver, Ghig sa mig gig yad haq haq jad cheaq te lehq, yawd ved Yad phu tinr-a pehar che yaog. Yad phu haq kha yonr che chaw awg gha lia maq gha lug maq gha sez lehq co tiq ha tiq haq liz gha tug awg pun, Ghig sa yawd ved Yad phu tinr-a pehar che yaog.

Hs. - Hawd ser 11:8; Isy. - Id sar yaq 49:15,16; & Isy. - Id sar yaq 41:13,14

Lk. - Lud kar liq 12:32 Yawg awg mor nehax teq paog, ta kuhz. Nig hehd ve Awr pa awr lehr, nig hehd haq muhd mig u ve pehar tug ni ma cawd che yaog.

Mt. - Mar thehr liq 28:20 Ngag nig hehd haq pid lar che tawd khuhd awg gha lia haq na yug lehq te tug, i hehd haq mar vid-oq. Mig gig che ve awg yand leh thad kha gag, ngag nig hehd geh khar thad liz chehd tug yaog," lehz i hehd haq koz vid che yaog.

Yod hanr liq 14:1 "Nig hehd ve ni ma ta duhd har gad har. Ghig sa haq yonr-oq. Ngag haq liz yonr-oq.

Chid. - Chid muh che liq 23:1 - Yod hanr liq 10:11 Ngag awr lehr daq che yawg huhx sehr phad phehq che yaog. Daq che yawg huhx sehr phad awr lehr, yawg teq pa awg pun yawd ved a saq tand vid che yaog.

Chid. - Chid muh che liq 23:2 - Pheq mar liq 7:17 Awg lawn ghod ver, kaw jaw awg kaw jen huh chehd chehd che Yawg nehax awr lehr, yawg huhx che heh te lehq i hehd haq yawg huhx sehr phad te tug yaog. Yawd awr lehr, co ha teq vid tug te che a kaz khuh teq pa huh i hehd haq sir kae tug yaog. I hehd ve mehz sir khuhn mehz ghig awg coz gha lia haq Ghig sa siz kha vid tug yaog," lehz ngag haq koz ax che yaog.

Chid. - Chid muh che liq 23:3,4 - Lk. - Lud kar liq 1:79 Awg naz tud awg naz hoq te che khuhn chehd lehq, suh tug awg khad khuhn mi chehd che chaw teq pa haq awg ghiz paw vid lehq, duhd sa ha lehg che yaq kaw awg khad a nig haq sir mar ax che yaog."

Chid. - Chid muh che liq 23:5,6 - 2 Kawd renr thuq liq 1:10 Yawd awr lehr, kheh taw maq ir jad che suh che ted ceng awg khuhn ngag hehd haq pong ax peg lehq kawq pong ax tug ser che yaog. Yawd ngag hehd haq kawq pong ax tug ser che haq liz, ngag hehd yawd haq duhd law chehd che yaog.

Phid lid piq liq 4:7 U kheh te ver, Ghig sa geh lag che, chaw yad teq pa ca duhd mad gag che duhd sa gad sa che ted ceng awr lehr, nig hehd ve ni ma he lehq nig hehd ve duhd khad teq pa haq Yer suq Khreq awg khuhn haq sax ax tug yaog.

Tawd - Tawd par hax 3:24 & Chid. - Chid muh che liq 4:8 - Yod hanr liq 14:27 Duhd sa gad sa che ted ceng ngag nig hehd haq teh lar haz ax che yaog. Ngag nig hehd haq pehar che ngag ved duhd sa gad sa che ted ceng awr lehr, mig gig yad teq pa pehar che heh ngag nig hehd haq pehar che ma hez. Nig hehd ve ni ma ta duhd har gad har. Kuhz che ni ma liz tad cawg vid.

Chid. - Chid muh che liq 33:18 - 1 Pt. - 1 Per truq liq 3:12 Awg lawn ghod ver, Jawd mawd Ghig sa ve mehz sir awr lehr, thed che cawd che chaw teq pa haq ngawx chehd che yaog. Yawd ved nar puh liz, i hehd ve bon lawg khuhd haq na chehd che yaog. Kheh ma khuhd, Jawd mawd Ghig sa awr lehr, awg haeg kha te che chaw teq pa haq yawd ved cand par yaog lehz sawnr lar che yaog.

Rod maq liq 5:2 Jawd mawd Yer suq Khreq haq te lehq awg bon che awg khuhn a nig gha gehag lehq gha chehd chehd che yaog. Ghig sa ve awg mig awg phond haq a nig duhd law lehq, ha lehg chid muh chehd che yaog.

Isy. - Id sar yaq 55:12 - Lk. - Lud kar liq 19:40 Kheh te lehq, yawd kawq koz vid che, "Ngag nig hehd haq koz ax laq, chaw che ve teq pa taq chuhax chehd vehr

liz huhx meh dig che teq pa kug tug yaog," lehd koz vid che yaog.  
Yod hanr liq 16:22 U ve heh te lehq, a meha nig hehd gha duhd har liz, ngag nig  
hehd haq te pawz kawq phud daq tug haq te lehq, nig hehd ve ni ma gha ha  
lehg tug yaog. Kheh te lehq, nig hehd ve ha lehg che u ve haq chaw te ghad-eg  
liz nig hehd geh hinx Yug ve maq gha.

Lk. - Lud kar liq 12:9 Chaw yad mehz khuhd suhr ngag haq chid bag che chaw awr  
lehr, Ghig sa ve muhd nuh maq cuh yad mehz khuhd suhr chaw yad ve Yad phu  
liz yawd haq chid bag tug yaog.

Mt. - Mar thehr liq 10:30 Nawg ved a kor haq ve cuhz kheh muh nehax awg kheh  
gha lia haq liz, yawd saw ghawn ngawx lar peor.

Isy. - Id sar yaq 54:10 - Mt. - Mar thehr liq 24:35 Muhd nuh maq he lehq mig naz  
ma mehx vehr tug yaog. Kheh ma khuhd, ngag ved tawd khuhd awr lehr maq  
mehx vehr hawg.

Mt. - Mar thehr liq 11:28-30 Kanx te heg lehq med nged puhd huhd che chaw awg  
gha lia ngag chehd lo laor. Ngag nig hehd haq ghad jehd vid tug yaog. 29 Ngag  
ved taz tug haq taz lehq ngag geh hend yug laoq. Awg lawn ghod ver ngag awr  
lehr, ni ma nud nud nehg nehg cawg lehq nig hehd ve ni ma liz ghad gha jehd  
tug yaog. 30 Awg lawn ghod ver ngag ved taz tug taz sa lehq ngag ved awg veg  
liz lawg che yaog," lehd koz che yaog.

Sawd laq monr 2:10 & Hs. - Hawd ser 2:14,19,20

2 Kawd renr thuq liq 11:2 Ghig sa nig hehd haq sex lae che heh, ngag liz nig hehd  
haq sex lae che yaog. Awg lawn ghod ver, nig hehd awr lehr daq kehg che yad  
mid hax haq sur daq vid lehq, Khreq haq chid aq vid tug awg pun nig hehd ve  
awg phad mawd te ghad lehax haq he daq tug ngag kar tiq te daq vid lar peg  
che yaog.

Tuhz. 3:14 - He. - Her brehd liq 13:8 Yer suq Khreq awr lehr, a mig ni, yaq ni he  
lehq co co taer taer kha sur suar phehq chehd che yaog.

Hs. - Hawd ser 13:4 - Cuh yad liq 4:12 Yawd ma hez ver, awg kag awg nuz awr ve  
chaw te ghad-eg liz thaer khuhq ax maq gha. Awg lawn ghod ver, mig gig muhd  
nuh maq awg kar che ve khuhn chaw yad teq pa haq thaer khuhq vid gha tug  
teq chaweh awg meh ma pid lar che yaog."

Yod hanr liq 15:14 Nig hehd awr lehr ngag pehar lar che tawd khuhd teq pa haq te  
ver, nig hehd ngag ved awg chawd phehq che yaog.

Yod hanr liq 14:6 Yer suq koz che, "Ngag awr lehr yaq kaw yaog. Awg cehg mag  
cawd che ted ceng he lehq co ha teq che ted ceng liz ngag phehq che yaog.  
Ngag haq ma cud ver, chaw te ghad-eg liz Awr pa chehd lo gag maq gha.

Pheq mar liq 3:20 Ngawx lor, ngag ghaz mir pad huh hox lar lehq thuhz chehd che  
yaog. A sug ngag ved tawd khuhd haq kad lehq ghaz mir phawa ver, ngag yawd  
chehd lo gehe lehq, yawd geh cad tug yaog. Yawd liz ngag geh cad tug yaog.